

Bahan asal dari Arkib
Negara Malaysia

Dr. M: Langkah utama pemuliharaan ekonomi

KUALA LUMPUR, Rabu—Perdana Menteri, Datuk Seri Dr. Mahathir Mohamad menegaskan Kerajaan sedang memberi keutamaan kepada semua usaha yang dapat meningkatkan daya pengeluaran sebagai salah satu langkah memulihkan ekonomi negara.

Kerajaan juga terpaksa mengkaji semula keutamaan program dan projek dalam Rancangan Malaysia Keempat untuk memelihara ekonomi negara dan mengurangkan kesan-kesan buruk.

Bagaimanapun, program dan projek yang

dapat memberi faedah kepada rakyat akan terus diberi perhatian.

Datuk Seri Dr. Mahathir berkata demikian dalam titah ucapan lahniah dan ikrar taat setia kepada Seri Paduka Baginda Yang di-Per-tuan Agong bagi pihak Kerajaan dan rakyat di Istana Negara hari ini.

Perdana Menteri berkata, suasana ekonomi dunia masih mengalami kemerosotan dan mengancam kemajuan banyak negara, khususnya negara-negara membangun.

Walaupun Malaysia telah mengambil tindakan tegas bagi mengurangkan kesan

kemerosotan ekonomi dunia tersebut, Malaysia tidak dapat mengelakkan diri daripada pengaruh kemerosotan dalam hubungan ekonomi antara-bangsa.

Jaminan

Belliau menegaskan, keadaan tersebut menjadi lebih genting dengan sikap kurang simpati dan kejujuran setengah-setengah negara maju terhadap masalah yang dihadapi oleh dunia ketika ini.

Datuk Seri Dr. Mahathir menegaskan, tindakan tertentu sedang diambil ke arah mewujudkan satu etika kerja yang mementingkan di-

sipln dan kesungguhan bekerja di kalangan semua rakyat.

Belliau berharap dengan penglibatan semua pihak, usaha-usaha tersebut akan mencapai kejayaan.

Datuk Seri Dr. Mahathir yakin, Malaysia akan terus berada dalam suasana aman, sejahtera dan makmur. Taraf kehidupan rakyat akan meningkat dan perpaduan serta ketahanan di kalangan mereka akan menjadi bertambah kukuh di bawah pemerintahan Seri Paduka Baginda Yang di-Per-tuan Agong.

Perdana Menteri juga

memberi jaminan bahawa belliau serta Menteri-Menteri, Tim-balan Menteri serta pegawai dan kakitangan kerajaan akan terus berusaha dengan lebih giat melaksanakan tugas dan tanggungjawab dengan bersih, cekap dan amanah.